

會稽續志

會稽續志序

會稽志作於嘉泰辛酉距今二十有五年夫物有變遷事有沿革今昔不可同日語也况城府內外斬然一新則越又非曩之越矣苟不隨時紀錄後將何所攷昔虞翻朱育答郡太守問會稽古今事應對如流纖悉弗遺當時但嘆其殫洽殊不知二公皆望人也其習熟有非一日誤雖世本中原僑寓是邦蓋有年矣山川風土之詳人材物產之富與夫事物之沿革變遷曩嘗訪聞茲又目擊於越事亦粗稔懼其久而遺忘輒哀輯而彙次之總爲一編曰會稽續志所書

會稽續志序

固辛酉以後事而前志一時偶有遺逸者因追補之疎略者因增廣之謬誤者因是正之異時有問我以越事敢執此以謝實慶元年三月旦日梁國張溪序



會稽續志目錄

第一卷

越 會稽 風俗 城郭

學校 縣學 貢院 牧場 軍營

倉 庫 場務 館驛

坊巷 園圃 府廨 街衢

第二卷

提刑司 提舉司 安撫題名 提刑題名

提舉題名

第三卷

會稽續志目錄

安撫司 符廳 屬官 縣舍 通判廳 簽廳

鄉 鎮 市 和買

陵寢 宮觀 寺院 祠廟

第四卷

山 水 橋梁 堤塘

花果 蔬 草木 茶

竹 藥石 紙 禽獸蟲魚

第五卷

人物

第六卷

進士 仙釋 詩文

第七卷

雜紀 拾遺

會稽續志目錄

二



會稽續志卷第一

越

史記越世家云夏少康之庶子也無余封於會稽以奉禹祀賀循會稽記云少康封其少子號曰於越越國之稱始於此按越絕書禹到大越上苗山會計爵有德封有功更茅山曰會稽是越之稱已見於三代之前非始於無余之封也賀循蓋未之考爾言越而冠之以大則越自昔為大國可知矣

會稽

會稽上應牽牛之指下當少陽之位自晉渡江以來

會稽續志卷一

一

三吳豪傑嘗請以為都後雖不果亦足見當時以為重地言其形勢則晉元帝以為今之關中言其體廣則江左諸公比之鄒杜之間是擬之長安矣蓋其地襟海帶江方制千里實東南一大都會又物產之饒魚鹽之富實為浙右之奧區也昔熙寧中陳舜俞嘗云越為東南一都會公私晏安百度饒羨蒼山白水連屬附郭古今以為人物登覽之勝於是朝廷以守帥之重遇名卿佚元老似非動望地勢能居一時之右者莫敢當也在彼時其重已如此况今日乎中興以來地拱行都去天尺五非但為扶風馮翊

而已

至唐中和三年升越為義勝軍以劉漢宏為節度使光啟三年改義勝軍為威勝軍以董昌為節度使乾寧三年改威勝軍為鎮東軍以錢鏐為鎮海鎮東軍節度使且陞為大都督府鏐如越州受命還治錢塘號越州為東府梁貞明中鏐既為吳越國王遂以杭州為西都越為東都其後又以越為會稽府以州為府鑾係儀口判會稽府亦不知在何時以上史冊既備之則沿革之詳似不容畧也故備論於此

會稽續志卷一

二

風俗

前志論風俗之美謂有禹之遺風王銍學記云餘姚有諸馮之地舜所生也會稽之地禹所沒也舜禹功被萬世而有見於風俗又王安石有歷山賦蓋亦思舜而作也則習俗之美兼有舜之遺風矣或謂舜居河東歷山雷澤各有其地越人別指歷山舜井象田仍以前說上虞各縣風土記曲為之辭未免附會此周文忠公陸氏翼孟音解序也然自書傳既於秦火彼是此非無從折衷是否當不必問今但取其風俗之美耳

城郭

羅城隋開皇中楊素所築唐乾寧中錢鏐重修皇祐中守王逵復修且浚治池壕嘉定十三年守吳格雖

重修後多摧圮十六年汪綱又加繕治併修諸門城之東曰五雲門即古雷門晉王獻之所居有水門曰舊作都泗賜東南曰稽山門水門曰東郭西曰迎恩門唐昭宗命錢鏐討董昌鏐以兵三萬屯迎恩門則迎恩之名其來久矣西南曰常喜門又謂之偏門南曰植利門北曰三江門以至堰埭亦皆修築視宣和劉侯有光焉

子城嘉祐初刁約奏修之至八年始克成歲久復壞嘉定癸未守汪綱既治羅城因併葺其缺壞譙樓并鎮東軍門秦望門亦加嚴飾而補苴之遂為一郡壯觀

會稽續志卷一

三

學校

慶歷四年詔天下皆立學景祐中李照始議創建至嘉祐中方成隆興二年吳芾重修周綰為記嘉定十六年汪綱又增葺之

縣學

嵯縣學在縣西嘉定七年令史安之移建於縣西南繼錦坊為屋百區袁燮作記

上虞縣學淳熙十一年令劉筥重修豐誼作記

山陰縣學嘉定十六年令趙汝駟重修郡捐緡錢三十萬以助其費陳耆卿作記

蕭山縣學嘉定十七年汪綱委監和旨酒庠葉應輔為主學而學舍頽弊為甚捐錢三十萬米數十石重修他邑有學亦加整葺

貢院

郡昔過科舉即僧舍為試所忠定史公鎮越時得爽塏地乾道九年守錢端禮始創貢院其時舉人比今僅及其半嘉定十五年歲適大比守汪綱乃重行整葺且增屋三十間視庭下地雖稍廣遇雨則泥濘不可容足又命鑿石加裝坦然如砥土子便之院前特試地亦計工石填砌為永久利云

會稽續志卷一

四

教場

小教場元在臥龍山上頗為隘狹嘉定十五年守汪綱命以作院地創築前建臺門繚以牆垣中為堂曰雄威以為常教之所

軍營

府之軍營凡十有二曰雄節係將第一指揮曰威捷第二係將指揮曰威果係將第二十二指揮第二十三指揮不係將第五十四指揮曰全捷係將第四指揮第五指揮曰全捷不係將第十三指揮曰麻軍崇節第一指揮第八指揮曰壯城指揮曰牢城指揮曰

壞久不葺軍兵皆僦居於外嘉定十六年守汪綱葺舊外添創屋一千餘間盡括軍兵遷入營壘於是軍制稍嚴整矣

都作院在小教場之側嘉定十五年守汪綱創建凡屋二十餘間

倉

苗米倉在府衙東

糯米倉在西門外

並嘉定十五年守汪綱重修及添造

庫

會稽續志卷一

五

勅書架閣庫

聖節儀仗庫

書板庫

東甲仗庫

西甲仗庫

陳設庫

銀器庫

書籍庫

雜物庫

軍資庫

公使庫

倚卓庫

轎庫

炭庫

牙契局

賣酒交錢局

果子局

府治局

樂部局

燈油局

以上並郡守汪綱創建及重修越為督府蓋嚴除戎之備而斷甲朽器頽垣敗壁馴習浸久漫不加省汪捐緡錢三萬打造器甲二千副闕東西甲仗庫舊址建屋四十五間石櫺瓶焚篋易

舊觀視諸庫局尤為宏壯

場務

激賞庫酒樓在照水坊

都酒務酒樓在蓮花橋

並郡守汪綱建

館驛

通川亭

問津亭

並在府倉南廢為酒肆久矣嘉定十六年郡守汪綱重修且增創他屋若廚福之屬悉皆備具

會稽續志卷一

六



以爲往來者館寓之所

嵯縣

訪戴驛在縣之訪戴坊嘉定八年合史安之重建於

東門之外

上虞縣

懷謝驛在縣之東邑有東山晉謝安嘗遊故云

坊巷

坊巷之名見於前志者僅二十餘嘉定十七年守汪  
綱始新其華表重揭扁榜凡九十六所又斜橋坊路  
乃台明往來之衝也每遇雨苦於泥濘綱復命伐石

會稽續志卷一

七

發砌二州往來者甚便之王狀元坊其廢已久故前  
志止載詹莫二坊綱訪問得其舊址鼎新再建

第一廂

外竹園坊

裏竹園坊

晉昌坊

元真坊

外鍾灘坊

裏鍾灘坊

靜林坊

甘露坊

外梧柏坊

裏梧柏坊

杏花坊

親仁坊

目連坊

季童坊

義井坊

新路坊

小新坊

都亭坊

法濟坊

孝義坊

禮禮坊

第二廂

棚樓坊

花行坊

日池坊

月池坊

照水坊

小德政坊

寶幢坊

廣陵坊

石灰坊

朴木坊

樂義坊

永福坊

押隊坊

諸善坊

上黨坊

義井坊

祥符坊

詹狀元坊

莫狀元坊

第三廂

西河坊

小驛坊

南市

富民坊

華嚴坊

鐵釘坊

蕙蘭坊

德惠坊

大市門坊

治平坊

甲子坊

閻元坊

南觀仁坊

獅子坊

雲西坊

菩提坊

會稽續志卷一

八

耀靈坊

植利坊

采家坊

柴場坊

京兆坊

天井坊

水溝坊

大新坊

河南坊

施水坊

船場坊

府橋坊

桐木坊

槿木坊

愛民坊

第四廂

賢良坊

火珠坊

少微坊

板橋坊

北市

瓦市

雙橋坊

水澄坊

新河坊

大路坊

石灰坊

錦鱗坊

武勳坊

晝錦坊

迎恩坊

草窠坊

筆飛坊

斜橋坊

戒珠坊

王狀元坊

第五廂

教德坊

臥龍坊

車水坊

顯應坊

秦望坊

禮遜坊即義里今為竹園坊昔有紀伯與陳菁鄰修藩籬而侵其地書不較又益與之伯慙亦退所侵因成通衢郡守多之為目曰義里今長慶寺乃二人之宅華鎮詩云鄰里相歡起美談通衢高柳碧鬚鬚至今風俗輕虞芮目擊岐周始自慙

會稽

廣平路在稽山門外東南一十里廣平程師孟元豐

會稽續志卷一

九

初為守華鎮覽古云民服其政日有餘裕放浪於山水間泛鏡湖欵禹祠探藏書訪丹井攬宛委之秀挹若耶之勝往來必由稽山之蹊山中之民相率而治之芟繁夷險使肩輿安行飛蓋無阻師孟字公闢時為夕郎路以公名

嵊縣

前志嵊縣一十坊今二十四坊

訪戴 秀異 字民 佐理 集賢 招提

繼錦 通安 繼孝 齊禮 遷善 桃源

兆慶 迎春 嘉會 仁德 弦歌 醴泉

清河 進德 妙音 豐義 成俗 化民

繼錦坊按縣有繼錦鄉舊名治化天聖中邑人史綸登進士第其子叔軻繼之縣令魏琰改今名

蕭山

清風坊晉許詢所居故號曰許君里

招賢坊梁江淹所居故號曰江君里覺苑寺即淹之宅也

園圃

西園在臥龍山之西府治據臥龍形勝處龍之口府東門也龍之尾西園也景祐中唐詢作蔣堂曲水閣

會稽續志卷一

十

詩序則以園創於堂今以齊唐王公池記考之自吳越時已為遊觀之地蓋後來廢不葺治至堂始復其舊觀爾非創於堂也守吳格嘗葺之未幾亭宇多壞嘉定十六年汪綱復增葺之又創憩棠一亭頗為華麗云

府廡

唐元徽之云州宅居山之陽凡所謂臺榭之勝皆因高為之以極登覽嘗以詩誇於白樂天云州城縈繞拂雲堆照水稽山滿目來四面無時對屏障一家終日在樓臺星河影向簷前落鼓角聲從地底回我是

玉皇香案吏講居猶得小蓬萊誦其詩則當唐盛時  
州宅之勝可想而知矣乾寧中董昌叛卽廳堂爲宮  
殿昭宗命錢鏐討平之以鏐爲節度鏐惡昌之僞跡  
乃撤而新之故元微之與李紳諸公所登臨吟賞之  
處一皆不存若滿桂樓海榴亭杜鵑樓其跡已不復  
可考而名傳於世者蓋以諸公之詩也建炎以後又  
復頽毀而本朝諸公登臨之處亦不可復考如逍  
遙堂井儀堂五雲亭披雲望雲二樓者殆不勝數凡  
州宅之堂舍亭館見於今者悉著錄之庶來者有所  
考云

會稽續志卷一

十一

州宅後枕臥龍而面直秦望自錢鏐再建壞而復修  
不知其幾嘉定十五年守汪綱以謂其敝已極弗治  
則不可枝矣於是外自譙樓以至設廳旁由廊廡吏  
舍內自寢堂燕坐庖福之所悉治新之鳩工於嘉定  
十五年春落成於十六年冬內外罔不一新按鏐重  
建在唐天祐元年甲子此按鏐重建  
軍府署記至嘉定十六年  
癸未實三百二十年其再新若有數云

常衙廳在儀門之東舊頗迫窄守汪綱至是始闢其  
址而增廣之廊廡畢備上爲秦望閣不知作於何時  
趙抃嘗有詩則熙寧之前已有之矣自此至棣蓐堂  
皆汪綱重修

清思堂在常衙廳之後不知作於何時張伯玉遊抃  
皆有詩今刻石於堂上

青隱軒在常衙廳之東政和間王仲薏作

延桂閣在清思堂之側前有巖桂甚古守趙彥俠建  
王補之摘杜子美賞月延秋桂之句以名樓之下爲  
寢處燕坐之所便房夾室悉備蓋館士所寓之地也  
汪綱更新之且添創他屋及庖福之所居者頗以爲  
便

招山閣在棣蓐堂之下不知作於何時舊名清涼閣  
守洪邁改今名

會稽續志卷一

十二

雲近在招山閣之右宅堂之廊廡也趙彥俠建蓋取  
杜子美雲近蓬萊常五色之句以名

棣蓐堂在雲近之下紹熙元年洪邁領郡以其兄丞  
相迺乾道中嘗出守邁取綸告中語有矧伯氏棠陰  
之舊增一門棣蓐之華故名

燕春在清思堂後守汪綱創建摘張伯玉燕寢長居  
紫府春之句以名

雲根在州宅後守汪綱創建摘張伯玉州宅近雲根  
之句以名

四面屏障在州宅後守汪綱創建摘元微之四面無

時對屏障之句以名

步龍在州宅之後守汪綱創建取沈紳雲隨步武藝頭穩之句以名

拂雲在州宅後子城之下守汪綱創建摘元徵之州城縈繞拂雲堆之句以名

晚對在州宅之後洪邁所建取杜甫翠屏宜晚對之句以名覆之以茅已頽毀不存守汪綱即舊址再建無塵在州宅之上拂雲之左守汪綱創建摘張伯玉疎竹間花陰了無塵土侵之句以名

會稽續志卷一

十三

不知誰氏創始按閣乃吳越錢鏐所建築偶不知爾淳熙元年其八世孫端禮重修乃特揭於梁間云定亂安國功臣鎮東鎮海兩軍節度使檢校太師侍中兼中書令食邑一萬戶實封六百戶越王鏐建其名以蓬萊者蓋舊志云蓬萊山正偶會稽舊志今已不和孔司封登蓬萊閣詩云三山對峙海中元微之詩央自注於下云舊志蓬萊山正偶會稽元微之詩云謫居猶得小蓬萊錢公輔詩云後人慷慨慕前脩高閣雄名由此起故云自元祐戊辰章案修之又八十七年錢端禮再修又四十八年汪綱復修綱自記歲月於注云蓬萊閣登臨之勝甲於天下自昔以來

不知其凡幾壞幾修矣邇年其壞尤甚而修之於嘉定十五年歲次壬午十一月己巳朔十五日己未者郡守新安汪綱仲舉也

會稽續志卷一

十四

鎮越堂汪綱創建綱自記於柱云由蓬萊閣而下凡三級始達廳事承平時皆有堂宇廢圯已久後來者乃由中鑿蹬道以便往來而餐筆延見吏民之所遂為通行之路非獨失帥府之觀瞻其於陰陽家之說尤為妨忌郡寔不如昔民亦多艱未必不由於此嘉定辛巳子自憲移帥即有意稍復舊觀顧力未瞻弗暇明年秋公帑稍有銖積於是補苴罅漏葺夷草萊築一堂於上以鎮越名之蓋東南之鎮其山曰會稽而鎮東又越之軍額也名實其核地高而爽堂奧而明秦望諸山皆欣然鎖會有功奇獻秀之勢又創行廊四十間于兩翼臨屬蓬萊併與閣一新之山川朝拱氣象環合而斯堂之勝遂獨擅於越中矣工既畢巧姑記歲月於此是歲九月辛未新安汪綱書堂之扁榜三大字 大丞相史魯公之筆也 月臺在鎮越堂之前汪綱創建舊嘗有望月臺壞已久其址亦不知在何所唯王十朋一詩尚傳云明珠遙吐臥龍頭漸覺清光萬里浮人望使君如望月更

須如鏡莫如鈎網蓋寓舊名於此也

雲壑在臥龍之東汪綱創建前有喬松甚古綱自記於柱云嘉定壬午五月郡守新安汪綱作雲壑於臥龍之東峯蓋百花亭之舊址也黃太史詩云老松開世臥雲壑回首滄江無萬年而此堂之下蒼髯老幹雲霧深藏雪壓霜侵不改其操是宜其高臥閱世縱有萬牛焉能動哉

清曠軒在雲壑之側嘉定十五年汪綱自記於柱云章案蓬萊閣詩序謂四時之景不同而所同者自然之清曠也此語當矣西園舊有亭名清曠亭廢不存復寓此名於斯軒噫何獨此名爲寓而斯軒亦直寄焉耳

會稽續志卷一

五

觀風堂紹興中曹泳所建王十朋詩云薄俗澆風有萬端欲將眼力見應難但令心境無塵垢端坐斯堂便可觀堂廢吳格再建汪綱又葺之

秋風亭在觀風之側其廢已久嘉定十五年汪綱卽舊址再建綱自記於柱云秋風亭辛稼軒曾賦詞贈衆人口今廢矣予卽舊基面東爲亭復創數椽於後以爲賓客往來館寓之地當必有高人勝士如宋玉張翰者來遊其間游目騁懷幸爲我畱其母述起悲

吟思歸之興云

望海亭在臥龍之西不知始於何時元微之李紳嘗賦詩則自唐已有之矣昔范蠡作飛翼樓以壓強吳此亭卽其址也祥符中高紳植五桂於亭之前易其名曰五桂歲久亭旣廢桂亦不存嘉祐中刁約增廣舊址再建復名望海自作記以誌嘉定十五年汪綱重修

多稼亭在望海亭之下嘉定十年王補之修改今名嘉定十五年汪綱重修

越王臺按祥符圖經云在種山東北種山蓋臥龍之

會稽續志卷一

六

舊名也今臺乃在臥龍之西舊有小茅亭名近民久已廢壞嘉定十五年汪綱卽其遺址創造而移越王臺之名於此氣象開豁目極千里爲一郡登臨之勝且俾會者年筴三大字立石而刻之別爲亭以覆之亭在臺之左

清白堂在蓬萊閣之西臥龍山之足康定中范仲淹所作按仲淹堂記云獲廢井泉清而色白因命其堂曰清白庶幾居斯堂而無忝其名堂廢不存久矣嘉定十五年汪綱命訪其所云都廳卽其處也乃別創都廳重加整葺而復范之舊扁

賢牧堂在清白之側舊以祀范文正公乾道四年中忠定公始以趙清獻公並祀乾道八年守方滋又增祀朱忠靖公勝非趙忠簡公鼎張文靖公守舊忠惠公汝文嘉定十四年守吳格又以史忠定合祀爲七人表變作記汪綱重修

真武堂土地祠舊在蓬萊閣下窳暗尤甚汪綱移建於臥龍山之西崇善王祠之前特爲顯做

崇善王祠蓋臥龍山之神也在山之西錢鏐所建祠有石幢乃鏐刊梁貞明三年封神爲崇善王勅牒鏐自列其銜於後云啟聖匡運同德功臣天下兵馬大

會稽續志卷一

十七

元帥尚父守尚書令吳越王鏐立汪綱既移真武土地堂於是併祠修之此三祠靈應特異

街衢

越爲會府街道久不修治遇雨泥淖幾於沒膝往來病之守汪綱亟命計置工石所至繕砌浚治其湮塞整齊其嶽崎除闕陌之穢汙復河渠之便利道塗堤岸以至橋梁靡不加葺經畫有條役且無擾始於府橋至軒亭及南北兩市由府前至鎮夷軍門賢良坊至府橋水澄坊至鯉魚橋沿河夾岸迤邐塔築暨大

小路迎恩門內外至鴻橋一作牽匯坦夷如砥井里

嘉歎實爲悠久惠利云

會稽續志卷一

六

會稽續志卷第一

會稽續志卷第二

提刑司

提刑司在府治之東與蓬萊館相望嘉定十六年知府事兼提刑汪綱以其弊陋乃撤其壞甚者六七而鼎新之且增創吏舍架閣庫并錢酒什物文籍諸庫又新其公餘燕坐之所屬官議事之廳及亭館樓觀罔不畢新日澄清堂有淳熙中倪日棟華堂淳熙初以其兄燁乾道中思所作堂記曰棟華堂茂輝建嘗在是職故云日和樂堂曰盡心堂宣和元年曰清閣亭壘石為巖洞而冠亭於上茂林叢竹交映左右頗為幽雅曰稽山閣其址珠山也有乾道中程大昌賦刻梓枌于梁間又創敬簡堂於簽廳之左

會稽續志卷二

提舉司

提舉司在蕙蘭坊其燕坐之所則有雲錦植荷東窗澄齋爰咨堂風月堂虛豁爽塲可以觀眺下有方沼前疊石為山老木三四雜以花竹其趣頗佳應事之右有小圃中有二亭曰扶疎日清逸

安撫題名

帥守姓名前志止於嘉泰初元李公大性今自嘉泰三年辛公弃疾以後備錄於左

辛弃疾以朝請大夫集英殿修撰知嘉泰三年六月十一日到任當年十二月二十八日召赴

行在

林采以太中大夫集英殿修撰知太平州除寶謨

開待制改知嘉泰四年四月初十日到任開禧元年五月十二日宮觀

周瑛以中大夫充集英殿修撰知開禧元年七月五日到任二年四月二十一日除寶謨閣待

制宮觀

趙師異以大中大夫知開禧二年五月十三日到任當年六月十一日除寶謨閣學士知廬州

錢象祖以降授中大夫知開禧二年八月二十二日到任九月六日復通議大夫開禧三年二月四日召赴

行在

章燮以朝請大夫直華文閣知開禧三年二月二十八日到任十月十三日以應辦成蕭皇后山陵有勞特轉朝議大夫十一月四日召赴

行在

李珪以朝散大夫直寶謨閣知開禧三年十一月二十五日到任嘉定元年七月二十九日除侍右郎官

會稽續志卷二

黃由以寶謨閣學士正議大夫知嘉定元年九月二十一日到任三年四月十六日除刑部尚

書

黃由以寶謨閣學士正議大夫知嘉定元年九月二十一日到任三年四月十六日除刑部尚

書

書

書

書

侍右郎官

黃由以寶謨閣學士正議大夫知嘉定元年九月二十一日到任三年四月十六日除刑部尚

書

書兼直學士院

留恭以朝奉大夫直寶謨閣知嘉定三年六月二

十二日到任至嘉定五年四月十七日宮觀

趙彥傑以朝散大夫兩浙東路提點刑獄公事除

直寶謨閣知嘉定五年八月十六日到任七

年七月二十一日除直徽猷閣再任當年十

月十三日磨勘轉朝請大夫八年八月二十

九日除太府少卿

葉箋以朝請大夫兩浙東路提點刑獄公事除直

祕閣知嘉定九年二月十一日到任當年十

會稽續志卷二

三

一月六日罷

吳格以朝散郎直祕閣知嘉定九年十二月六日

到任次年二月十三日丁母憂

王補之以中奉大夫知婺州復祕閣修撰知嘉定

十年三月六日到任十二年三月二十二日

除右文修撰提舉建康府崇禧觀

沈暉嘉定十二年三月二十四日以朝議大夫祕

閣修撰浙東提刑被 旨兼權至當年八月

十二日除太府卿

吳格以朝散郎直祕閣知嘉定十二年九月二十

六日到任次年十月磨勘轉朝請郎十四年

十月五日除直煥章閣樞密副都承旨

汪綱以朝奉大夫直祕閣兩浙東路提點刑獄公

事除煥章閣知嘉定十四年十二月十七日

到任次年四月轉朝散大夫十一月轉朝請

大夫十七年正月除太府少卿二月兼權司

農卿四月除直龍圖閣知十月 覃恩轉朝

議大夫寶慶元年四月應辦 寧宗皇帝梓

宮有勞除右文殿修撰當年七月以職事修

舉奉 聖旨除集英殿修撰特合再任三年

會稽續志卷二

四

十一月除寶謨閣待制依舊知紹定元年三

月磨勘轉中奉大夫七月以收糶椿管米及

數轉中大夫十二月初三日召赴 行在

汪統紹定元年十二月二十九日以朝散郎直寶

章閣浙東提刑兼權三年三月磨勘轉朝請

郎五月以糶椿積米特轉朝奉大夫四年四

月該遇 皇太后慶壽恩轉朝散大夫五月

二十一日與宮觀

葉棠紹定四年五月二十一日以朝議大夫直寶

謨閣浙東提舉暫兼七月十六日除提刑仍



舊兼權十月十三日交割與程徽猷

程軍以中大夫直徽猷閣知紹定四年十月十三

日到任六年九月因應辦 恭聖仁烈皇太

后梓宮事務有勞除祕閣修撰十一月十三

日除司農卿

業業以中大夫直寶謨閣浙東提刑於紹定六年

十一月七日除金部郎官未上當月十五日

除徽猷閣知端平元年十一月十六日依舊

職差知太平州

黃壯猷端平元年十一月以朝請大夫金部郎官

會稽續志卷二

五

除直祕閣知十二月十二日到任三年十一

月十五日除尚右郎官

李鳴復嘉熙元年二月以端明殿學士朝奉大夫

簽書樞密院事兼參知政事除資政殿學士

知十七日到任當年六月二十三日召赴

行在八月十六日除參知政事

潘剛中嘉熙元年十月十九日以朝議大夫浙東

提刑暫權十二月磨勘轉中奉大夫二年閏

四月十三日交割與趙大資

趙善湘以資政殿大學士銀青光祿大夫沿海制

置使兼知慶元府於嘉熙二年三月依舊職

知閏四月十三日到任三年六月二日依舊

職提舉臨安府洞霄宮

余天錫嘉熙三年六月除資政殿學士知七月十

六日到任四年四月初三日召赴 行在

蔡範嘉熙四年四月以朝請大夫新除司農卿除

直徽猷閣知六月二十一日到任淳祐元年

五月磨勘轉朝議大夫九月除直龍圖閣依

舊知二年二月十六日召赴 行在奉事六

月九日除司農卿

會稽續志卷二

六

史巖之淳祐二年三月以龍圖閣學士通奉大夫

知十月初十日到任三年三月磨勘轉正議

大夫四年七月十三日除端明殿學士依舊

知十七日改知福州

童頤淳祐四年七月二十一日以朝散大夫直華

文閣浙東提舉暫權十月十六日交割與史

閣學

史宅之淳祐四年七月以華文閣學士通奉大夫

知十月十九日到任十二月磨勘轉正議大

夫五年十一月以職事修舉除敷文閣學士